

fants tgi è sto la staschung pas-sada a Cunter. Ed ossa duess igl project cun las provas cuntinuar er chest onn e duple in less integrar els dasperas aint igl til da tschever er els ainten la scuntrada dallas guggas da premaveira.

**Persiva dattigl en crsital**

Chella bunga idea digls Feters Sursetters ed an spezial la realisa-zion anc miglra è neida ad ureglia er ad oters. Per exaimpel agls responsabels dalla secziun grischuna dalla Pro Infirmis. Chella organisaziun svizra tgi sa fò ferma per carstgangs cun en impedimaint. Ossa per la quarta gEDA surdat la Pro Infirmis Grischun mintg'onn ad ena persunga, ad ena interpresa, ad ena organisaziun u ad ena uniun tgi s'angascha da moda speziala e ludvla per bagn digls impediass en premi. Igl «Cristal Pro Infirmis 2007» vo chest onn damais agls Feters Sursetters. Dasperas igl cristal scu simbol è collia cun igl prietsch er anc en schec da 1000.-fr. E chegl tot ansemen ò la delegaziun digls Feters Sursetters (sainza instrumaints) tgi è stada ier a Coira dastgea piglier ancunter antras igl sies president, Mitgel Devonas, digl president dalla regenza grischuna, Martin Schmid. El presidiescha er la giuria tgi ò distinguia igl premi tranter 12 nominos. El ò er gia la laudatio, noua tgi el ò preschento igls argumaints dalla giuria da



Las provas comunablas a Surava èn stadas per tottas dus varts ena experienscha fitg positiva.

risguardar chest onn igls Feters Sursetters cun igl «Cristal Pro Infirmis 2007». La giuria è digl reminent ena cumposiziun da persunalitads da noss cantun. Daspers igl cunseglier guvernativ Martin Schmid


fon part Martin Jäger, cunsiglier digl martgea da Coira e deputo, Brigitta M. Gadiant, cunsigliera naziunala, Mario Cavigelli, deputo, Christian Buxhofer, caporedactour digl Bündner Tagblatt, Ruedi Haltiner, magnafatschenta

Argo, Guido Kaufmann, president Pro Infirmis Grischun e Peter Spreiter, luvrant social Pro Infirmis Grischun.

**Plascheir ed onour**

«Schi vign ensatge tg'ins ò betg spitgia, ins è adegna en tant sursto e surprandia», è l'amprema reacziun digl president digls Feters, Mitgel Devonas. «Naturalmaintg vagn nous grond plascheir e per nous ègl er en'onour. Gl'è ensacu ena rancunaschientscha per la nossa lavour ed igl noss angaschamaint er sur igls tschertgels digls nars da tschever or», cuntinue-scha el.

Sainza tgi ins veva cunaschientscha da survagneir igl prietsch, era nia decida internamaintg tar igls Feters Sursetters tg'ins viglia cuntinuar cun igl project da far ena prova mintga dus emdas all'Argo a Surava. Ossa seia la mutivaziun naturalmaintg anc pi gronda. Digl reminent eran preschaints tar las provas betg angal igls avdants dall'Argo da Surava, mabagn nivan er chels da Coira e da Tavo, naturalmaintg sen basa voluntaria. «Nous varon per la proxima staschung novs costumes, igls vigls lessars regalar all'Argo», menziunescha anc igl president. E tgi so, forsa tgi cun igl impuls digls Feters Sursetters ò l'Argo eneda ensacuras en'atgna musica da tschever?



I sto betg esser en grond instrumaint per far grond plascheir.